



PRÆFATIO.



ACCIPIAS, Lector, SPENCERUM de novo editum. Viro ipsi eruditissimo hoc *Opus aggredi*, in animo fuisse, ex verbis suis discere licet: In Libro enim Tertio, Dissert. 1. Cap. 9. pag. 716. (*a. d. b.*) provocat ad LIBRUM QUARTUM. Illa etiam quæ *Editionem Priorem* claudunt, idem loquuntur: viz. “Cum jam

“librum hunc, de Ritibus Hebræorum divinitus institutis, ad umbilicum
“perduxerim; Lector expectat forsan, ut promissi fidem liberem, librum
“illum subjungens, cujus quandoque mentionem facio. Fateor equi-
“dem, initio consilium fuisse, libris hisce tribus, de Judæorum legibus
“ritibusque Deo auctori tribuendis, quartum addere, *De ritibus Hebræo-
“rum, in Scriptura plerunque, Canonica vel Apocrypha, memoratis; nullibi
“tamen, quod scimus, a Deo præscriptis aut institutis.* Huic etiam Libro,
“complementi loco, subjicere decreveram, Dissertationem singularem
“De JUDÆORUM PHYLACTERIIS, quorum originem genuinam
“nondum a Judæis aut Christianis compertam arbitror. Huic equi-
“dem Operi principio manum admovere statui, quod Operi jam abso-
“luto cognatione non adeo remota jungatur, &c.-----

“CUM autem hæc materia suum volumen postulet, & præter expe-
“ctatum excreverit libri jam scripti moles; in præsentis calamum meum
“ab hoc Argumento cohibere, consultum duxi. Posthac autem opus
“illud aggredi decrevi, modo proposito meo serviat opportunitas, &
“hæc eruditis haud prorsus ingrata reperiantur.

“Hoc unum superaddo & desino: si quis quicquam a me scriptum
“refutandum censeat, haud ægre laturus sum; nam si quid veri scripsi,
“vincet Veritas: si quid falsi, vincat Adversarius.

SPENCERO vita functo, Libri Editi & Manuscripti fidei Reverendissimi Thomæ Archi-Episcopi nuper Cantuariensis commissi sunt; qui Academiae suæ non oblitus, Manuscriptos cum Editis, in plurimis locis paululum mutatis, & Quinquaginta Minis, Testamento legavit. Gratia meæ ALMÆ MATRI debitæ sunt; quæ Senatus Decreto, copiam mihi fecit tum SPENCERI edendi,

I Hoc unum &c. addidit.

a 2

tum